



Daxuyaniya Defetera Siyasî
Derheq Serbestberdana
Kazim Darabî



3

Gefên Desthilatdarên
Turk Bona Êrîşa Ser
Herêma Kurdistanê ...




4

Konferansa Serhildana
Simkoyê Şikak Di
Sedsala Derbasbûyî De



5

MANDELEKIRIN
Û TUNEKIRIN



9

Hevpeyvîn Bi Kurê
Seydayê Cegerxwîn,
Keyo Re



10

Deftera Siyasî Ya PDK Îranê:

“EM HER CURE PÎLAN Û KOMPİLOYEK LI DÎJÎ HİKÛMETA HERÊMA KURDÎSTANÊ ŞERMEZAR DİKÎN”



Biryara Parlamentoya Turkiyê ya ji bo êrîşa ser axa Herêma Kurdistanê û gefên berdwam ên desthilatdarên wî welatî, hêj rojeva siyasî û dîplomasiya navnetewî, Rohhilata Navîn û Kurdistanê ye.

Deftera Siyasî Ya PDK Îranê di vê derbarê de daxuyaniyek çapemeniyê weşand ku di rûpela 2 a vê hejmara Agirî de ketiye pêşberî we xwendevanan...

Şandek PDK Îranê Serdana Mekteba Siyasî Ya PDK'ê Kir

Roja sêşem, 30.10.2007'an, şandek PDK Îranê bi serokatiya rêzdar **Mistefa Hicrî**, Sekreterê Giştî, **Mihemednezîf Qadiri**, endamê Polîtbiroyê û **Kawe Behramî** û **Çeko Rehîmî** endamên Komîteya Navnedî, serdana Mekteba Siyasî a PDK kir û ji aliyê birêz **Fazil Mîranî**, Sekreterê Mekteba Siyasî û hevalên Polîtbiroyê û serkirdayetiyê ve partiyê ve bi germî hate pêşwazîkirin.

Rêzdar **Fazil Mîranî** kêfxweşbûna xwe û hevalên PDK bo vê serdanê da xuyakirin û di çivîneke fermî de baseke siyasî li ser rewşa niha a Îraqê û Herêma Kurdistanê û tîkiliyên siyasî ên wan bi hevalbendan û



welatên cîran re pêşkêş kir û di basa xwe de qala van alozî û arîşeyan kir ku vê dawiyê ji aliyê dewleta Turkiyê ve bi hêceta hebûna hêzên PKK'ê li herêmên ser sînor ên deverên Kurdistanê derketine holê. Di vê derheqê de Mîranî da zanîn, siyaseta PDK û Hikûmeta Herêma Kurdistanê û hevalbendên wan, siyaseta diyalog û gotûbêjê bûye û hewil dane ku ew pirsgrêkê ji rêya siyasî û diplomasiyê ve bihên çareserkin. Birêz Mîranî di doma wan hewl û xebatan de, basa hevahengî û alîkariya hêzên siyasî ên Herêma Kurdistanê, nemaze hevkarî û pêwendiya berbiçav a PDK û YNK kir û ev arîkariye bi helwesteke bibandor derheq pîrsa Kurd hesaband û herwiha îşare bi siyaseta neteweyî û helwesta siyasî ya PDK Îranê di vê derbarê de kir.

Piştî rêzdar **Mistefa Hicrî** li ser rewşa siyasî ya Kurdistanê û guhertinên siyasî ên navçeyê û siyaseta maytêkirina hin welatên deverê di nav kar û barên Îraqê û bi taybet dijberîkirina wan bi hêcet û mihaneyên cur bi cur tevî destkevtên Herêma Kurdistanê basek pêşkêş kir û di gotinên xwe de îşare bi siyasî û helwestên PDK Îranê derbarê alîkarî û hevxeberî bi hêzên siyasî ên Kurdistanê re û nemaze Serokatiya Herêma Kurdistanê û Hikûmeta Herêma Kurdistanê kir û parastina vê destkefta neteweyî û niştîmanî bi erkê hemû xebatkarên gelê Kurd zanî û amadebûna siyasî ya PDK Îranê ji bo vê alîkariyê û parastina wan armancên neteweyî xuya kir.

Piştî vê basê, rêzdar **Mîranî** spasiya hesta neteweyî û siyasî û helwestên dostane ên PDK Îranê kir û di dawiya vê hevdiîna dostane de her du aliyên li ser tîkiliyên siyasî û neteweyî ên xwe tekez kirin.

Deftera Siyasî Ya PDK Îranê Derheq Gefên Dewleta Turkiyê Ji Bo Êriş Bo Ser Herêma Kurdistanê Daxuyaniyek Da Çapemeniyê:

“EM HER CURE PÎLAN Û KOMPİLOYEK LI DÎJÎ HİKÛMETA HERÊMA KURDISTANÊ ŞERMEZAR DÎKÎN”

Gefxwarinên dewleta Turkiyê ji bo êrişkirina ser Herêma Kurdistanê di çend mehê derbazbûyî de berdevam bûye, bi pejirandina biryara rêdayîn ji Arşêşê re bona wê êrişê rûçikek micidtir bi xwe ve girtiye û yê bûye sedema nigeraniya tev Kurdek welatparêz li seranserî cîhanê.

Turkiyê sedema êrişê han ji bo liv û tevgerên hêzên Partiya Karkerên Kurdistanê (PKK) li çiyayên sînorê Turkiyê û Kurdistanê Îraqê vedigerînin. Bi liberçavgiyê wê rastiye ku di heyamê salên borî de, Turkiyê çendî caran ji bo wê meremê êrişê ser axa Kurdistanê kiriyê û hemû carê di operasyon û êrişên leşkerî ên xwe de rastî têkçûnê hatiye û negihîştîye tu encamêkê. Niha bas ji dubarebûna vê ceribîna şikestxwarî dike.

Ev hêcet û mihanegirtina Turkiyê çî şik û gumanekê nahêle ku armanca sereke ji wê êrişê têkdan û tevlihevkirina rewşa siyasî a Herêma Kurdistanê ye ku take herêma aram û biwle di Îraqê de ye. Dewletên desthilatdar ên deverê ku Kurdistanê bi ser wan de hatiye parvekirin, nikarin Hikûmeta Herêma Kurdistanê li hev tixûbiya xwe tab bikin û li pey pîlan û kompilyon digerin ji bo ku vê destkevta gelê Kurd ji nav bibin, lewra jî dewleta Sûriyê bi awayekî fermî û Komara Îslamî a Îranê bi awayekê ne fermî piştgirîya wê êrişê kirin û pejirandin.

PDK Îranê her ji destpêkê ve Hikûmeta Herêma Kurdistanê wekî destkevta siyasî û neteweyî a hemû gelê Kurd li her derekê bin û yek ji wan Kurdên Îranê hesabandîye û dê bizane



û êrişê leşkerî a Turkiyê û meşandina her cure kompilyoke neyarên gelê Kurd bi merema zirargihandin bi wê bidestxistiyê mehkûm û şermezar dike.

Em li ser vê baweriyê ne ku êriş, şer û tund û tûjî nikare gelê Kurd rastî têkçûnê bîne û wan neçar bike ku dest ji daxwazên rewşa û berheq ên xwe berdin. Ceribîna sedsalên derbazbûyî vê rastiye diselimînin. Lewra çêtir eva ye ku ji bo çareserkirina wan arîşe û pirsgerêkan, rêya diyalog û gotûbêjên dostane bigrin pêşberî xwe ku encamên pîr baştir dê dişûn de hebin.

Partiya Demokrat ya Kurdistanê Îranê
Deftera Siyasî
23.10.2007
01.08.1386

Peyama Serxweşiya Deftera Siyasî Ya PDK Îranê Bi Boneya Koça Dawî Ya Profesor Dr. Ordîxanê Celîl

► Em pê hesiyar ku mixabin Profesor Ordîxanê Celîl, yek ji kesayetiyên herî mezin yê zanistî ê Kurd, roja 21.10.2007'an di temenê 75 saliyê de li bajarê Lenîngrada Rûsyayê çû ser dilovaniya xwe û termê wî roja çarşem, 24.10.2007'an di rê û resmeke taybet her li wî bajarî hate veşartin.

Nêzik 60 berhemên Ordîxanê Celîl bi Kurdî belav bûne ku bi zimanên Turkî, Swêdî, Fransayî, Almnî û Rûsî hatine wergerandin. Ji bilî wan, gellek berhemên çapnekirî ên din yê Ordîxanê Celîl di arşîva wî de bicî mane.

Ordîxanê Celîl, endamê Yekîtiya Nivîskarên Rûsyayê, Yekîtiya Nivîskarên Kurd, Enistîtuya Kurdî ya Parîsê, endamê Rûmetê yê Akademiya Zanyarî ya Îraqê, Serokê Saziya Kurdî li Lenîngradê û Profesore çand û wêjeya Kurdî li zanîngeha Lenîngradê bû.

PDK Îranê bi vê boneyê behî û serxweşiye ji malbata Ordîxan û malbata mezin ya Celîliyan û civaka nivîskar û wêjewanên Kurd dike

Partiya Demokrat ya Kurdistanê Îranê
Deftera Siyasî
25.10.2007
03.08.1386


Di Daxuyaniyê Çapemeniyê De, Kongireya Neteweyên Îrana Federal Maytêkirinê Rejîmê Turkiyê û Îranê Di Nav Kar û Barên Herêma Kurdistanê De Mehkûm Kir

Ligel hemû pirsgerêk û arîşeyên ku li encama maytêkirinê welatên biyanî di Îraqê de hatine pêş, partî û rêxistinên Kurdistanê Îraqê tevî hebûna hemû pirsgerêkan han, ji cîhanê re dane zanîn ku federalîzm dikare bersiva tev pirsgerêkan siyasî, çandî û kulturî, aborî û civakî di welatên pîrneteweyî de be. Di demekê de ku gelên belengaz ên Îraqê êxsîrê xurtîrîn arîşeyên siyasî, civakî û aborî ên niha ne, gelê Kurd bi mifahwergirtin ji sîstema federalîzmê, Herêma Kurdistanê ku xwediyê qasek ji aramî û ewlehiya siyasî, civakî û aborî ye, weke mînakeke serkevî ji sîstema federalîzmê di Rohîlata Navîn de nişan daye.

Hêj cihwarên topbarana Komara Îslamî di herêma çiyayê Qendilê de jî nav neçûne, rejîma Turkiyê bi mihaneya hebûna hêzên PKK'ê bi êriş û bicîkirina hêzên xwe li sînorên Bakûra Îraqê, dixwaze sîstema federal a di Herêma Kurdistanê de ji holê rake.

Du welatên cîran ên Herêma Kurdistanê yanî Îran û Turkiyê di demekê de ji avabûna sîstema federalîzmê di Kurdistanê Îraqê de hêrs bûne û ji her rêyekê ve dest avêtine darêtina asteng û kompyan bona jinavbirina wê mînaka birêvebirina welat, ku bi xwe tevî gellek pirsgerêkan ku li encama siyasatên wan ên tepeskerane û desthilatdariya take neteweyekê hatine holê, berbirû ne.

Desthilatdarên du dewletên şovînist ên Îran û



Turkiyê parvekirina desthilata siyasî bi liberçavgiyê wê xwehiya neteweyî di wan welatan de, weke parçebûna welat mîze dikin û bi mihaneya parastina yekîtiya welat hovtirin cinayetên dijî mirovî li dijî şoreşvanên wekhevaxwaz ên neteweyên welatên xwe dimeşînin. Nahê haşakirin ku sîstema federalîzm a di welatê Îraqê de, weke strî û bilyeyekê di çavê şovînistên Turkiyê û Îranê de ye û wan çavê ditîna wê tune ye û her roj bi hêcêten cur bi cur û bi armanca jinavbirina Herêma Federal a Kurdistanê, gefan ji wan dixwen.

Desthilatdarên kevneperest ên Îranê baş

dizanin ku heke desthilata siyasî ji destê girûpekê de were der û di nava gelên Kurd, Turk, Belûç, Ereb, Turkmen û Fars de, were parvekirin û her yek ji wan çarenivîsa xwe bidestve bigire, tu cihêk ji bo tepeskerin û tevxiyê wan namîne. Desthilatdarên Turkiyê û Îranê hêj naxwazin îtirafê bi hebûna neteweyên cur bi cur di welatên xwe de bikin çî bigihîje vê çendê ku sîstemên federalî di welatên xwe de bipejirînin.

Kongireya Neteweyên Îrana Federal ku daxwaza parvekirina desthilata siyasî di Îranê de û avakirina sîstemê federalî, sekolar û demokratîk û dûr ji apartayda neteweyî, olî û zaneyendî di wî welatê de dike, li ser vê baweriyê ye ku sîstema han dikare neteweyên cur bi cur ên welatê Îranê ji bo jiyana aştiyane li dor hev bicivîne û berevajî yekîtiyên bi zorî, delîveya parastina yekîtiya wî welatî li cem wan pêk bîne.

Di qonaxên cur bi cur ên dîroka Îranê de û bi şahidiya wê, ewên ku dibin sedema parçekirina welatê Îranê, her ew rejîmên tepesker û alîgirên nezan ên wan bûne ku ji bo man û parastina desthilata siyasî a xwe, siyaseta perçiqandinê li dijî neteweyên wî welatê bikar anîne.

Êrişê hêzên Turkiyê û Îranê bo nava axa welatê Îraqê, tevî vê çendê ku biryara wê ji aliyê Parlemanekê ve ku piraniya nûnerê wê alîgirên ferq û cudahîdanan neteweyî ne, li dijî yasa û azînen navneteweyî ye. Êrişên han hêjayî mehkûmkirinê ne û hewcehî destbikarbûna bilezgîn a navendên navneteweyî ye.

Kongireya Neteweyên Îrana Federal
18.10.2007

Defetera Siyasî A PDK Îranê Derheq Biryara Serbestberdana Terorîstê Komara Îslamî, Kazim Darabî, Ji Aliyê Dadgeha Almaniya Ve Daxuyaniyek Da Çapemeniyê:

“Serbestberdana bikujên Dr. Şerefkendî û hevalên wî binpêkirina nirxên mirovahiyê ye”



Roja 17'ê Îlona 1992'an, Sekreterê Giştî yê PDK Îranê, Dr. Sadiq Şerefkendî, Fetah Ebdulî, endamê Komîteya Navendî û berpirsiyarê wê demê yê têkiliyên partiyê li derveyî welat, Humayon Erdelan Kadroê Partiyê û berpirsiyarê pêwendiyên PDK Îranê li Almaniya tevî dostekî partiyê bi navê Norî Dêhkurdî, akinciyê Almaniya, li xweringeha Mîkonosê li bajarê Berlînê bi fermana berpirsiyarên herî bilind ên Komara Îslamî a Îranê û li gor komployeke di pêşde darêtî de hatin terorkirin.

Dadgehê ku ji bo vekolîn li ser tawana bikujan li Berlînê pêk hat, di roja 10'ê Nîsana 1997'an, yek ji bikujên bi navê Kazim Darabî yê Îranî bi cezayê girtîgehê yê heta hetayî mehkûm kir. Lê niha dadgeha Almaniya mijûl

e û dixwaze ku wî terorîstî ku di terorkirina 4 xebatkarên siyasî de dest hebûye, serbest berde.

Hêceta dezgeha dad a Almaniya yê ji bo wê serbestberdanê eva ye ku li gor qanûna wî welatî, ew biyaniyên ku di girtîgehên Almaniya yê de hatine hepskirin, bi mercekê ku 2 ji 3'ê a heyamê hukmê wan bi dawî hatibe, dikare radestî welatên xwe werin kirin, ji bo ku dema mayî a cezayê girtîgehê di zîndanên welatê xwe de biqedînin.

Eva di halekê de ye ku Kazim Darabî û tawanbarên din ên vê dosyayê, her wekî kesên din ên bi vî awayî ku bi femana rejîma Komara Îslamî a Îranê li derve an li hundirê Îranê wan tawanana dimeşînin, ji aliyê wê rejîmê ve ne tenê her bi gunehkar û sûçdar nahên hesabandin û nahên zîndanîkirin, belkî wekî wan kesan hesab ji wan re tê kirin ku erk û wezîfeyêke diyarîkirî ên xwe birêve birine û bi wê boneyê tîr teşwîq û xelatîkirin û pileyên bilind ên berpirsiyariyê bi wan tê sipartin.

Di vê derheqê de em îlan dikin:

Her çend serbestberdana Darabî wekî mohreyekî biçûk yê terorîzma Komara Îslamî a Îranê tiştekê ji girîngiya encama Dadgeha Mîkonosê li dor terorkirina wê rejîmê kêma nake, her di wê demê de me jêve ye ev karê dewleta Almaniya û dezgeha dadê a wî welatî berevajî îdeayên wan derheq xebat li dijî terorîzmê ye.

Her wiha em nigeranê vê yekê ne ku ev karê hikûmeta Almaniya yê encama danûstandin û tevî û besta nepenî bi rejîma



Terorîst Kazim Darabî, yek ji bikujên Dr. Şerefkendî û hevalên wî

Komara Îslamî a Îranê re be, ku ev yeke dibe bêhurmetîkirin bi malbatên wan şehîdan û her wiha tev azadîxwazên Îranê ye ku dijî siyaseta terorîstî a Komara Îslamî û li destê serkut, pelçiqandin û terora vê rejîmê bêzar û mandî bûne.

Lewra em daxwazê dikin ku dewleta Almaniya û dezgeha dad a wî welatî ji serbestberdana berwest a wî bikujî xwe biparêze û bi vî awayî alîkariyê bidin xebat û berxwedanê li hember terorîzma dewleta rejîma komara Îslamî a Îranê û piştgiriya hemû azadîxwazên dijî terora di wî welatî de.

Partiya Demokrat a Kurdistanê Îranê

Defetera Siyasî

28.10.2007

Dema Ku Taqîma Mela Hesên Restigar Li Ser Navê PDK Îranê, Daxwaza Peyamê Ji Bo Kongireya Xwe Dikin!

Pskongireya wan – ku renge di pêşerojê de pêk were – dişîne, di pêwendiyê de tevî Berpirsê Pêwendiyên PDK

Îranê li Firansayê, ji wan re eşkere dibe ku ji aliyê taqîma Mela Hesên Restigar ve, tûşî şaşiyê bûne. Lewra Jak Fat, endamê Komîteya Birêveber û Berpirsê Pêwendiyên Partiya Komoînist a Firansayê bi nûneratiya vê partiyê nameyekê ji bo nûnerê taqîma Mela Hesên Restigar dişîne da ku şaşiya xwe serrast bikin. Ewa ji deqa wergerandî a vê nameyê ye ku bi zimanê Firansî hatiye nivîsandin:

Roj baş!

Min niha fam kir ku saziya we tevî PDK Îranê ku me bi wan re tîkiliyên xurt û dostane hene, biferq e. Çimku we jî her ji wan nav û nîşanan mifah wergirtiye ku PDK Îranê wan bi kar tîne, lewra em tûşî şaşiyê bûn. Eşkere ye ku armanca we jî

mifawergirtin ji van nîşanan bûye, eva jî karek pirr xirab û nebaş e.

Partiya Komoînist a Firansayê tu tîkiliyek bi we re tune, lewma em daxwazê ji we dikin da ku ji vê peyamê mifahê wernegirin.

Ez kul û kesera xwe ji çêbûna vî karê şaş ku berpirsiyariya wê dikeve stûyê we, eyan dikim, çimku pir rohn e ku we bi mifawergirtin ji wan zaniyariyên berê ên derheq tîkiliyên me tevî PDK Îranê, karê han encam daye.

Jak Fat
Endamê Komîteya Birêveber û
Berpirsê Pêwendiyên Partiya
Komoînist a Firansayê
19.10.2007

Kurdan Li Swêde Meşeke Nerazibûnê Li Dijî Gefên Turkiyê Bona Êrîş Bo Ser Axa Herêma Kurdistanê Lidarxistin



Roja şemî, 28.10.2007'an, Komîteya Hevkariya Hêzên Siyasî ên Kurd û Kurdistanî li welatê Swêdê, bi hevkarîya Fedrasiyona Civatên Kurdistanî û Însiyatîva Kurd, xwenîşandaneke mezin li dijî gefên Turkiyê bona êrîş bo ser axa Kurdistanê Başûr bi beşdariya pitir ji 3000 kurdên her çar parçeyên Kurdistanê lidar xistin. Beşdarên meşa han serbarê hildana ala pîroza Kurdistanê, gefên Turkiyê bo ser Herêma Kurdistanê mehkûm kirin û daxwaz ji raya giştî a cîhanê kirin da ku di vê derbarê de li dijî helwesta şerxwazane a Turkiyê bisekinin. Hêjayê gotinê ye ku çendîn partî û saziyên welatê Swêdê jî di vê xwenîşandanê de beşdar bûn û gefên turkiyê bona êrîş bo ser axa Kurdistanê mehkûm kirin.

Gefên Desthilatdarên Turk Bona Êrîşa Ser Herêma Kurdistanê Her Berdewam In

Siyamend Terbî

Li doma gefên dewleta Turkiyê bona êrîşa ser Herêma Kurdistanê bi hinceta şopandina çekdarên PKK'ê, Recep Teyîb Erdoxan, Serok Wezîrê dewleta Turkiyê tekez kir ku welatê wî ji bo berxwedanê ji bo encamdana êrîşa ertêşa vî welatî bo ser Herêma Kurdistanê berhev dike û di wê derheqê de hewce nizane ku iznê ji çî kesê wê werbigire. Erdoxan da zanîn ku Enqere bona derbazbûn ji tixûbên Kurdistanê û êrîş bo ser PKK'ê ji tu kesê/i iznê wernagire. Her li dirêjîya gefên dewleta turk bona êrîşa ser Herêma Kurdistanê 12 partî û saziyên Kurd û Kurdistanî û bo dijkiyar li dijî wê helwesta desthilatdarên Turk, bangewazek ji bo bîr û raya giştî li jêr dirûşma "bila em nehêlin Dewleta Turkiye rewşa Rojhilata Navîn aloztir bike", dane weşandin.

Di beşek ji wê daxuyaniyê, hatiye: "Ji bo bîr û raya giştî ron û eşkere ye ku armanca dewleta Turk, lêdana binke û bargehên PKK nine. Armanca sereke ya dewleta Turkiyê berlêgirtin ji xurtbûn û pêşveçûna Hikûmeta Herêma Kurdistanê ye. Generalên Turk gellek caran ragehandine û dibêjin ku: Hikûmeta Herêma Kurdistanê tirsek ji bo ser tenahiya neteweyî ya Turkiye tê hesabandin. Li gor bîr û bawera Generalên Turk û karbidestên dewleta Turkiye demekê gelê kurd bixwe qedera xwe diyarî bike, dibe tirs û gefek bo ser Turkiyê!! Di halekê de ku mafê diyarîkirina çarenivîsê yek ji mafên serekê ên neteweyan e û Hikûmeta Herêma Kurdistanê jî daxwaz û îrada Kurdên Kurdistanê Başûr e".

Gelo dewleta Turk bi wan gefane birastî dixwaze êrîşê bo ser Herêma Kurdistanê bike? Eger êrîşekî han bihê kirin, armanc têkdana tenahiya Herêma Kurdistanê ye, yan derbe lêdan ji çekdarên PKK'ê tê hisêb? Gelo Turkiye dê bikaribe bi wê êrîşê dawiyê bi liv û tevgerên vê hêzê bîne? Gefên desthilatdarên Turk di wê Qonaxê de bi çî armanckê xurtbûn bi xwe ve dîtine? Dijkiryara bîr û raya giştî û neteweya Kurd li hember êrîşê han dê çî be. Bê şik her wek ku di bangewaza partî û saziyên Kurdistanî de hatiye, encamdana vê êrîşê tenê bi armanca ji holê rakirina, ewlehî û pêşveçûnên Hikûmeta Herêma Kurdistanê û têkdana ezmûna hikûmeta Kurdî li Îraqê ye, ne binke û bargehên PKK'ê. Renge em bikaribin vê yekê bibêjin ku take astenga li hember dewletên mîna Turk û Îranê, bona êrîş bo ser Herêma Kurdistanê, hebûna hêzên hevalbend bi rêberiya Amerîkayê di Îraq û Kurdistanê de ye. Ji ber ku êrîşa dewleta Turk bo ser Herêma Kurdistanê rast berevajî siyast û armanckên dewleta Amerîkayê di Îraqê de tê hesabandin ku



Kurdistanê ku xwediye Parleman û yasaya taybet bi xwe ye, wek parek ji Hikûmeta Federal a Îraqê dihesibîne. Hekene bezandina tixûbên Kurdistanê û binpêkirina serweriya axa welatekê, li cem wan tiştekî xwezayî tê hesabandin. Yekem armanca dewleta Turk ji bo xurtkirina gefan li dijî Herêma Kurdistanê di vê qonaxê de, zext û givaşanîn bo ser dewleta Amerîkayê ye, belkî ku ji vê rêyê ve bikaribe ber ji pejrîrandina gelaleya komkuji û qirkirina Ermeniyana ji aliyê hikûmeta Osmanî di Kongress a Amerîkayê de bigire.

Piştî pejrîrandina gelaleyekê ji aliyê yek ji komîteyên Kongress a Amerîkayê bona jinoysad hesêbkirina qirkirina Ermeniyana ji aliyê Hikûmeta Osmanî ve, desthilatdarên Turk bi tevayî bi vê yekê nigeran in û dixwazin bi her awayekê bûye, ber ji pejrîrandina biryara han di Kongressê de bigirin!!! Ji bo vê armanckê çeka herî baş di destê wan de gefa êrîş bo ser Herêma Kurdistanê ye.

Armanca din a desthilatdarên Turk ji gefxwerinên xwe bona êrîşa ser Herêma Kurdistanê, kişandina Amerîka û hevalbendan bi taybetî peymanana Atlantîka Bakur "Nato"ê ji bo şer li dijî PKK'ê ye. Hizra han ji ber vê hegerê di mejiyê desthilatdarên Turk de çê bûye ku PKK di nava lîsta partî û saziyên teroristî ên Wezaretê Karê Derve a Amerîkayê de hatiye cih kirin rojeva û welatên Ewropayê



jî PKK'ê wek saziyê teroristî dihesibînin. Lewra piştî hatine rojeva Eniya teror û dijî Terorê, Dewleta Turkiyê wek endameke "Nato"yê, bi mifahwergirtin ji vê keysê dixwaze bi hêceta bi nav şer li dijî terorê! peymanana "Nato", nemaze Amerîkayê tevî şer li dijî hêzên PKK'ê bike. Hekene dewleta Turk baş dizane ku bi êrîşa ser Herêma Kurdistanê nikaribe hêzên PKK'ê ji nav bibe û dawiyê bi tevgerên vê hêzê bîne. Ji ber ku eva cara yekemîn nine ku dewleta Turk dest bi êrîşekî han dike!! Her wek li bangewaza 12 partî û saziyên Kurd û Kurdistanî de hatiye, dewleta Turkiye di wan 25 salên dawiyê de 24 caran êrîşa kiriye ser Kurdistanê Başûr, lê tu demekê negîhiştîye armanckên xwe ku wê carê bigehîjê. Desthilatdarên Turk bi başî ji wê yekê haydar in ku hêzên PKK'ê mîna hêzêke klasîk di cihekê de çihgir nebûne ku di eniyêke taybet de şer li dijî wan dest pê bike û dawiyê bi tevgera hêza navhatî bîne. Hêza han mîna hêzêke partîzan li her cihekê dikare derba xwe biweşîne û ji wir dûr bikeve.

Şaşiya herî mezin a dujminê Kurdan û yek ji wan dewleta Turk eva ye ku hêj nexwestine vê yekê bi xwe bidin famakirin ku arîşe û pirsgirêka Turkiye tenê tepeserkirina PKK'ê nîne. Em bixwazin û nexwazin PKK nûneriya daxwaz û xwestekên parekî berçav ji gelê Kurd li Kurdistanê Turkiyê dike. Eger gişt şervanên PKK'ê jî ji ortê hildin, divêt di hizra çareserkirina daxwaz û xwestekên 20 milyon Kurdan di wî welatî de bin ku êdî me jêve nine ku bi girtin, kuştin, tepeserkirin, dûrxistin û komkuji dengê azadîxwaziya wî gelî dli Turkiyê de, bêdeng bikin. Êrîş bo ser Herêma Kurdistanê, êrîş bo ser tev Kuran e ku bêşik xincî xisar, ziyana û haydana bîr û raya giştî li dijî dewleta Turk, tu destkevtêke din ji bo wê dewletê nabe.

Em hêvdar in, desthilatdarên Turkiyê dev ji gefên leşkerî berdin û dewsa topbaran û êrîşa leşkerî bo ser Herêma Kurdistanê, rêya diyalog û danûstanan hilbijêre û çareseriyêke bingehîn ji bo vê kirîzê di Turkiyê de ku daxwaz û xwesteka gelê kurd di wî welatî de ye, bigre ber xwe û du neteweyên Turk û Kurd bi hev re bi aşî û biravtîvê, iivanê bidomînin.

Konferansa Serhildana Simkoyê Şikak Di Sedsala Derbasbûyî De

Serhildana Simkoyê Şikak Di Sedsala Derbasbûyî de

Şemî 10 ê Mijdara 2007
Oslo / Norvêj
Enstîtûya Kurdî li Bruksel



"Em pîr baş dizanîn ku hinek netewe di cîhanê de hene ku hejmara wan nagehe çarêk(1/4)a Kurdan, lê ew gehîştina xweziyên xwe ku mafê otonomiyê ye. Li Elmanan binêrin ku çawa ev karê han di nava xwe de pêkanîne. Bîrastî ger netewa Kurd di Îranê de negehije mafê xwe, êdî mirin û neman jêra baştir e ji jîyan û mayîne. Di vê roja ku em têde dijîn, dewleta Îranê bixwaze an jî nexwaze, em mafê xwe yê otonomiyê dixwazin. Êdî ev xweziya hemû mirovekî Kurdê û ji xelkê me re ji jiyaneke nûye..."

"Inglîz û Tirk her du ji bo çaresekirina pîrsgirêka serxwebûn û serbestiya Kurdistanê derewan di gel me de dikin, ew me dixapînin. Inglîz dixwaze tevaya Kurdan mîna xulam û berdeyan ji bo armanc û daxwazên xwe yê çewit bikar bînin û bixebitînin, mîna meymûnan me ji xwe re bireqsînin û ew ji bi me bikenin. Ew dixwazin me li hemberî netewa me şermazar bikin, ew ne karê min e, ez xiyaneke li gelê xwe nakem. Tirk û Inglîz herdu ji hev xirabîtin, lê ji herkesî zêdetir Kurd ji bona xwe xirabîtin, Kurd piştê hev nagirin, hîni xizmetkariyê bûne, baweriya wan bi xwe tune û mezinatiya hevdu napejirînin."

nagehe çarêk(1/4)a Kurdan, lê ew gehîştina xweziyên xwe ku mafê otonomiyê ye. Li Elmanan binêrin ku çawa ev karê han di nava xwe de pêkanîne. Bîrastî ger netewa Kurd di Îranê de negehije mafê xwe, êdî mirin û neman jêra baştir e ji jîyan û mayîne. Di vê roja ku em tê de dijîn, dewleta Îranê bixwaze an jî nexwaze, em mafê xwe yê otonomiyê dixwazin. Êdî ev xweziya hemû mirovekî Kurdê û ji xelkê me re ji jiyaneke nû ye..."

"Inglîz û Tirk her du ji bo çaresekirina pîrsgirêka serxwebûn û serbestiya Kurdistanê derewan di gel me de dikin, ew me dixapînin. Inglîz dixwaze tevaya Kurdan mîna xulam û berdeyan ji bo armanc û daxwazên xwe yê çewit bikar bînin û bixebitînin, mîna meymûnan me ji xwe re bireqsînin û ew ji bi me bikenin. Ew dixwazin me li hemberî netewa me şermazar bikin, ew ne karê min e, ez xiyaneke li gelê xwe nakem.

Tirk û Inglîz her du ji hev xirabîtin, lê ji herkesî zêdetir Kurd ji bona xwe xirabîtin, Kurd piştê hev nagirin, hîni xizmetkariyê bûne, baweriya wan bi xwe tune û mezinatiya hevdu napejirînin."

Peywendî û agahdarî
Abdullah Hicab
+47 99 52 07 13
a-hejab@online.no

Fereydûn Elîxanî
+47 91 16 04 42
Enwer Kuhensal
+ 47 40 01 07 24

Enstîtûya Kurdî ya Brukselê
+32 230 34 02
kib@skynet.be

Organîzasyon
Enstîtûya Kurdî ya Brukselê

Rue Bonneelsstr. 16-1210 Brussel-
Bruxelles, Tel.:32.(0)2.230 89 30,
Fax:32.(0)2.231 00 97

Bank: 853-8511270-37 of 001-
2068530-81, NL. Girorekening
9030392

E-mail:
info@kurdishinstitute.be
kib@skynet.be,

Malper:
www.kurdishinstitute.be

Dem:
Şemî, 10^e Mijdara 2007

Cih:
Universitet i Oslo
Gaustadalleen 23
Blindern, Informattikkbygget ved
forskningsparken
Oslo / Norvêj

Rojev:
- Derwêş M. Ferho, serokê Enstîtûya
Kurdî ya Brukselê, moderator û
birêvebir
- Prof. Dr. Celîlê Celîl, Simko û mijara
serxwebûna Kurdistanê

- Kakşar Oremar, rojnamevan, salên
dawiya jîyan û Serhildana Simkoyê
Şikak (ji 1920 heya 1930)

- Ebdullah Hicab, lêkolîner, di salên
Serhildana Simkoyê Şikak de rewşa sosyo-
politika Kurdistanê

- Dr. Huseyin Xelîqî, Şoreşa Paşatiya
Destûrî li Iranê û bandora wê li ser
Kurdistanê

- Dr. Xosrew Ebdullahî, dîrokzan, cihê
Serhildana Simkoyê Şikak di politika
navneteweyî de

- Elî Simko, neviyê Simko, rewşa jîyan û
malbata Simkoyê Şikak piştî şehadeta wî

"Em pîr baş dizanîn ku hinek netewe
di cîhanê de hene ku hejmara wan



Awirek Li Ser Pirograma Partiya Demokrata Pêşverû Ya Kurdî Li Sûriyê

ELÎ ŞEMDÎN

Silêmaniyê - 10.08.2007

Di 14.06.1957'an de, **Partiya Demokrata Pêşverû ya Kurdî li Sûriyê** hate damezrandin. Weke

yekemîn rêxistina siyasî ya kurdî li Sûriyê û partiya me dest bi xebata xwe ya siyasî û demokratîk kir, li ser bingeha rastiya hebûna parçek ji milletê kurdî di hundirê sînore dewleta Sûriyê de û ew bi xwe di herêmên xwe yê dîrokî de dijî (Cizîr, Koban, Kurdax) û bûye parçek giring ji laşê welat û tê nasîn bi rûçikên netewî yê taybet, ji ziman û hestên hevbeş.

Partiya me xebatê dide ser milên xwe ji bo:

- Çareserkirina pirsgrêka kurdî di hundirê sazûmaneke demokratîk a nûjen de ku mafên serbestiyên giştî bi kar bîne û mafên mirov biparêze û rehên demokrasiyê û wekhevîyê kûr û asê bike û rê li ber sîstema tekpartî bigire û rê veke li ber serbestiya nêrîn û civîn û xwepêşandan û serbestiya rojname û çapemeniyê.

- Danîna destûrek nûjen ku wekhevîyê di nav hemwelatîyan de pêk bîne, bê vegera li bingehên wan yê netewî û olî û ramyarî û divê netewa kurdwek netewa duyemîn li welat bête naskirin.

- Rêzgirtin li mafê hemû kêmnetewan li welat.

- Rakirina siyaseta zordestiya neteweyî ya ku li Sûriyê li dijî milletê kurdî tê meşandin û hemû siyasatên din yê ne yasayî ku li dijî teybetmendiyên wî yê netewî tên bikaranîn ku dixwaze rehên wî ji kok de rakirin mîna pirojeya: **kembera erebî û hejmartina awarte ya sala 1962** û ji bo çibçikîrîna mafên netewî yê milletê kurdî li Sûriyê yê siyasî, çandî û civakî.

- Rêvekirin li ber milletê kurdî ku di sazkirina siyaseta welêt de hevbeş bibin û divê di hemû dezgeh û birêvebir û komîteyên dadê, desthilatdarî, parلمانî û hemû rêxistinên din ji bê cudayeti û rêz li hebûna netewan di welat de were girtin û divê ku sazûmana rêvebirî li gor hebûna wan netewan be.

- Rêdan bo neteweya kurdî da ku zimanê dayikê û çanda xwe bikar bîne û pêkanîna wekhevîyê di warê maf de, ji ziman û çano û xwendina sereta û hunera gelêrî û danîna van xalan di pirogirîna dewletê de û di pirojeyê wê yê hînkirinê de û rêdana çapkirina belavokên wêjeyî yê kurdî (kovar, pirtûk, rojname û wd...) û nişankirina demekê ji bo belavkirina û ragihandina radyo û televîzyonê bi zimanê kurdî.

Li ser ronîya vê pirogirîna siyasî, partiya

me alîkar bû di civandin û daneheva tevgera kurdî li Sûriyê û partiya me derbasî çarçeva **Hevbendîya Demokrat a Kurdî li Sûriyê** bû û wilo ji di avakirina **Komîta Hevbeş ya Hevbenî û Eniyê** de beşdar bû ku di hundirê wê de niha 7 partiyên kurdî cî girtine ku bi hev re laşê sereke ji tevgera kurdî li Sûriyê bikar tînin û evan partiyên bi hev re di nav xwe de li ser yek nêrîna hevbeş ji bo çareserkirina pirsgrêka kurdî li Sûriyê bi şewekî demokratî û dadewerî lihev kirin.

Di vî warî de xwe de, partiya me alîkar bû li kêleka wan partiyên û bi hevbeşîya hêzên demokrat yê Erebi û Sûriyê yê ji dervî rêjîmê, ji bo avakirina çarçeva Dauyanîya Şamê wek çarçoveyek niştîmanî û giştî ji bo pêkanîna guhertinê demokratîk û aştiyane li welat li ser van bingehan:

- Pêkanîna sazûmanek niştîmanî û demokratîk ku bibe dergehê bingehî di pirojeya guhertinê û sazkirina siyasî de û dive ev guhertin bi şewekî aşti û bi qonaxan be û li ser bingeha lihevkerîne avakirî be.

- Pirotestokirina ramyarên dîktatorî û yekane û qutbirî bi hemû pirojeyên tunekirinê re.

- Bawerî bi demokrasiyê wek sîstemek nûjen û xwedî bingehê cîhanî û li ser baweriyên serbestî û azadiya millet û dewleta dezgehî û guhertina desthilatê di rîya hilbijartinê serbest û berdeham de ava bibe ku rê li ber millet vebe ku desthilatê binerixîne û bide guhertin.

- Parastina serbestiya hemû kes û komel û kêmnetewan di xwepênasîna ragihandinê de.

- Çareserkirina pirsgrêka kurdî li Sûriyê bi awayekî demokratîk û dadwerane ku wekhevîyê bi temamî ji hemwelatîyên kurdî yê Sûriyê re biparêze, mîna hemwelatîyên din ji aliyê mafên nasname û çand û hînbûna zimanê netewî û mafên din yê destûrî û siyasî û civakî û yasayî, li ser bingeha yekîtiya Sûriyê di warê gel û qadê de û divê ku nasname û mafên hemwelatîyê li wan kesan vegere ku ji wan hatine sitandin û girtina deriyê vê dosyê bi yekcarî re.

- Pêkanîna azadiyên giştî û sazkirina jiyana siyasî di rîya yasayek nûjen ji partiyên re û sazkirina ragihandin û hilbijartinan li gor yasayên nûjen ku bike ji herkesî re azadî û wekhevîyê peyda.

* Endamê Komîteya Navendî ya
Partiya Demokrata Pêşverû ya Kurdî li Sûriyê

Doma hevpeyvîna Kekê Keyo, ji rûpela 10'an

Seydayê xwe Xanî şa'îrekî pîrr ziman e.

Belê; farsî, erebî tirkî...herî zêde ji erebî!

Jixwe we gotibû, demekê xwestibû bi erebî helbestê lêke, hûn dij derketibûn!

Lê dixwazim li vir tişteki bibêjim: bi qasî ku H. Qadirê Koyî demeke dûr û dirêj li Bakûr maye û li vir çûye ser dilovaniya xwe, û di gel ku Koyî ji mîna Seydayê min peyrewê Xanî ye, Koyî bi kurmançî helbestê lê nekirine. Hişkiya şa'îr û edibên sorî ya di biwarê bikaranîna zaravayê sorî de, em li cem Cegerxwîn nabînin. Ev yek ne nişaneyê Kurdistanibûna Seyda ye?

Bavê min, karim bibêjim dengê kurdî rojhilatî û hemdem bû.

Hemdemiya Seyda ne ya niqaşê ye. Ew bi qasî ku kurd e, ev çend Filistinî, sbi qasî filistinîyê evçene efrîkî ye. Helbestên wî yê bi navê 'Ey Heval Robson', 'Diyar Biyan Fû'û' Em Şer Naxwazin' ku di vê helbestê de li dijî dagirkirina Kûrê derdikeve nişanên vê yekê ne.

Êêê heyran, tu ji min bêhtir bavê min nas dikî!

Na Kek Keyo, ez ne bavê te; Cegerxwîn ji te bêhtir nas dikim. Û dixwazim bibêjim di helbesta kurdî de bi Seyda re cure-helbesta ku meriv kare bi navê '

'Helbestnameyê' bi nav bike, dest pê dike. Ji helbestên diwana wî 'Agir û Pirûsk' yek kême yek zêde 22 helbestên bi vî rengî hene.

Belê, ji şex û axa, ji dost û hevalan re bi vî rengî reşbelek dişandin!

Weke 'Nûbihara Biçûkan' a Seydayê Xanî, Cegerxwîn ji pîrr ehemiyetê dide zimên û zanîna zimên. Di 'Zend Avista' de malikîna helbestê weha ne:

Wejêne zimanê xwe ey xwendavan

Nebûye Milet hiç kesek bê ziman

Wî bigihêne rêza zimanê mezin

Bi nûsîn û ristin, bi kêş û wezin***

Ku/eger rewşa ku cenabê te ji niha bi çavên serê xwe dibîne, ku li 'bajarê xewnan' Ameda ber dilê dildaran, meriv ji sedî notûnehê bi tirkî diaxivin; hûn ê ji me re çî bibêjin!

Xebînetê Cegerxwîn! Karesat e û hew!

Kek Keyo, pîrs dawî: Demekê hate xwestin ku ji helbestkarên Başûr, Başûrê Rojava(Binxetê) Bakûr û Rojhelat Komîsyona Xelata Cegerxwîn bêt saz kirin? Ew xebat di çî astê de ye.

Ji ber ku H.H.Kurdistan bi navê Cegerxwîn rabûye, ez ê di vê biwarê de nikaribim tişteki zelal bikim.

Ezbenî ez spasdarê me, we wext veqetand, we xwe raht kir.. Lê sohbetê me lê hêjabû, ne?

Kek Arjen, ez spasîya te dikim bo qedirşînasiya te, bo dilsoziya te!

Weke peyva dawî...?

Hêvîdar im ku rojekê berî roja din em tev ji bindestiyê rizgar bibin!

Ez ji bi hêviya we re...

*Agir û Pirûsk,
Cegerxwîn, Wş.Avesta, rp.188

**Aşti, Cegerxwîn, Wş.Avesta, Rp.201

***Zend Avista, Wş.Avesta, Rp.55

Efûya Navneteweyî Îdamên Li Îranê Mehkûm Kir

Roja çarşem, 17.10.2007'an, 12 kes li Îranê hatin îdamkirin. Bi van îdamên dawî, hejmara kesên

îdamkirî li Îranê gihîşt 250 kesan. Hejmara han fermî ye, lê hejmarên veşartî jî hene û bi zanyariyên veşartî, hejmara kesên îdamkirî gellek zêdetir e. Sala derbazbûyî hejmara kesên ku hatibûn îdamkirin, 177 kes bûn. Li gor hejmara sala borî û îsal, Îran bi îdama mirovan ber bi şikandina rekordê diçe.

Di 17'ê vê mehê de, 9 kes di girtîgeha Êvîn a Tehranê de, 3 kes li Şîrazê, 10'ê mehê jî 2 kesên Kurd li Sine hatibûn îdamkirin. Îdamkirina jinan pirsek din e ku têra xwe balkêş e.

Bo mînak: Mêrek 80 salî xwest ku dest bavêje namûsa Xatûneke 24 salî bi navê Fakteh. S, û xatûna 24 salî berevanî ji xwe nîşan da û mêrik di dema pevçûna dinavbera wan de hatibû kuştin. Lê berevaniya wê, jê re weke sûç hate hesibandin û xatûna 24 jî salî hate

îdamkirin.

Îran yek ji wan welatan e ku zarokan îdam dike. Ev yeka li dijî peymanên navnetewe



yî ne. Îran erkê xwe a li hemberî peymanên navneteweyî bi cî naîne. Babek yek ji wan kesan bû ku temenê wî biçûk bû. Lê rejîma Îranê temenê wî li ber çav negirt û ew îdam kir.

Efûya Navneteweyî li dijî cezayê îdamê ye û îdamên di Îranê de li dijî mirovahiye dihesibîne. AI ji Îranê dixwaze ku ji nû ve pêdeçûnê li ser gişt biryarên îdamê bike û wan sivik bike. Mafê girtiyar û xweparastinê bide ber çav û daxwazan ji nû ve binirxîne.

Çavkanî: netkurd

Ednan Hesenpûr û Hîwa Botîmar Ji Hevdîtin Tevî Parêzerên Xwe Bêpar Man

Roja sêşem, 23.10.2007'an, daxwaza Mihemedsalih Nîkbext û Sîrwan Hûsmendî, du parêzerên Ednan Hesenpûr, rojnamevan û Hîwa Botîmar, çalakê civakî, ji bo hevdîtin tevî wan, ji aliyê Emcedî, dadverê bajarê Sine ve hate redkirin. Seba vê yekê pevçûn di navbera Parêzerên girtiyar û Emcedî de derket.

Hêjayî gotinê ye ku Emcedî, berê bi buxtana vê çendê ku du parêzerên navhatî bêhürmetî jê re kirine, doz ji wan re vekiribû.

Hewce ye were gotin ku navhatî seba livînên nebaş û xirab tevî parêzer û malbatên girtiyar, ketiye ber lome û gazindeyan.

Hêjayî gotinê ye dema ku Ednan Hesenpûr û Hîwa Botîmar ji bo eyankirina nerazîbûna xwe li derheq dana biryara darvekirina wan ji aliyê rejîma Komara Îslamî ve dest avêtibûn gireva birçibûnê û ji ber vê çendê tûşî rewşeke nebaş a cismî û ruhî bibûn, Emcedî gotibû ku: "Canê wan li cem min tu buhayek tune ye û ez tenê biryarê ji Şahrûdî, Serokê Dezgeha Dad a Îranê ve, werdigirim."

Li Welatê Swêdê Semînarek Li Ser Doza Jinan Hate Lidarxistin



Roja Şemî, 20.10.2007'an, semînarek azad li ser erkê mêran bi beşdarîkirin di xebata wekhevîxwaziya jinan û mêran û cipêyê Femînîzmê di pirosexa xebata

Nasîyonalîzma Kurdî li bajarê **Fêstirosî** a welatê Swêdê bi beşdariya birêzan **Ebdulreza Kerîmî**, endamê Ravêjkar yê Komîteya Navendî a PDK Îranê û **Şehla Debaxî** çalaka mafê jinan hate birêveçûn.

Semînar bi deqîqeyek bêdengî bona rêzgirtin ji canê paqij yê şehîdên rêya azadiya Kurdistanê, bixasmanî xatûna Zara Abadîxwah endama kevna a YJDK Îranê ku havîna borî li welatê Swêdê seba nexweşiya penceşêrê çû ser dilovaniya xwe, dest pê kir.

Piştê xatûna **Şikofe Qubadî**, berpîrsa YJDK Îranê li welatê Swêdê, raporekê kurt li ser çalakî û xebat û beşek ji erkên YJDK Îranê pêşkêşî beşdarên semînarek kir.

Di beşeke din de xatûna Şehla Debaxî, çalaka mafê jinan, baseke dewlemend û berfireh derheq hevpewendiyên xebata wekhevîxwazî ya jinan û xebata neteweyî pêşkêşî beşdarên kir. Xatûna Şehla li doma basa xwe de îşare bi vê yekê kir ku

Nasîyonalîzma û Femînîzma ne tenê ji hev cuda ninin, belku zaf jî bi hev re girêdayî ne û dibe di pirosexa nasîyonalîzma Kurdî de cî pêyekê ji bo femînîzmê û mafê jinan were dîtin.

Di pişkeke din a semînarek de birêz Ebdulreza Kerîmî, Endamê Ravêjkar yê Komîteya Navendî a PDK Îranê, basek li ser hewcehiya beşdariya mêran bi awayekî çalak di xebata azadîxwazane a jinan de, pêşkêşî beşdarên semînarek kir. Navhatî di doma basa xwe de îşare bi vê çendê kir ku ger di civakekê de jin azad û serbest nebe, ew civak jî nikare azad be. Lewra ger mêr heta bona bexteweriya xwe jî be, divê di pirosexa xebata wekhevîxwazî ya jinan de bi awayekî çalak beşdar bin.

Di dawiyê de, beşdarên semînarek di panêlekî azad de bi pêşkêşkirina pirsiyar û bîr û ramanên xwe derheq mijarên han semînar dewlemendtir kirin.

Yekîtiya Ewropa Di Daxuyaniyekê De Nigeraniya Xwe Li Derheq Bînpêkirina Mafê Mirovan Di Îranê De Da Zanîn



Roja sêşem, 23.10.2007'an, YE'ê di daxuyaniyekê de nigeraniya xwe li derheq tepeserkirina berfireh a

azadiya raman û pêkanîna astengan li hember weşanan di Îranê de, da zanîn û daxwaza azadkirina lezgîn a **Emadedîn Baqî**, berpîrsê Civata Berevanî ji Mafê Girtiyar di Îranê de û sê xwendekarên girtî ên zanîngeha Emîrkebîr a Tehranê kir.

Di daxuyaniyê de serbarê baskirin li ser bînpêkirina berfireh a maf û azadiyên girûpên cur bi cur ên di Îranê de, hatiye: "Yekîtiya Ewropayê daxistina rojname, kovar, bi taybetî nûçegihaniya Kar a Îranê (ILNA)ê û her wiha tepeserkirina berfireh a rojnamevan, wêblagnivîs û çalakên mafê mirovan ku bona bîdestveanîna mîfên xwe cehd û xebatê dikin, mehkûm dike".

Her wiha daxuyaniya han ku ji aliyê Serokatiya Derve a YE'ê bi navê **Pirtixal** ve bi nûneriya 27 welatên endam di vê yekîtiyê de hatiye derkirin, ji aliyê welatên din weke, Norwêj, Îslend, Okrayn, Moldawî û Komara Yogoslaviya berê ku endamên YE'ê ninin, piştewanî jê hatiye kirin.

Jinên Kurd Bendwarê Rêbazên Kevneşop

Amadekar/ Hemîd Muxtarî

Gîşt sistemên civakî ên paremayî û olî di cihanê de xwediyê armanceke wekhev in, ew jî parastina çand û

deb û edetên paşverû û dûr ji sinc û pîrensîpên mirovahiye ên derheq jinan weke sinetkirina keçan, kuştina jinan bi hêceta parastina namûsê, zewicandina bi zorî a keçan, zewicandina keçan di temenê zarokatiyê de ji aliyê dayîk û bav û xizm û kesên wan û ... hemû ji wan deb û edetên paremayî ne ku mixabin civaka me ya Kurdan bi xwe ve digire.

Roj nine ku di civaka me de çend keç yan jin bi egerên cur bi cur xwe neşewitînin yan nedaliqînin yan bi her terzeke din dawiyê bi jiyana xwe neînin.

Her dema ku mirov guhdariya nûçeyan dike, yan seredana malperên Kurdî dike, tevî nûçeyên têkilîdar bi xwekuştina jinan bi awayên cur bi cur ber bi rû dibe. Yan roj nine ku jin bi destê mêran bi hêceta parastina namûsê nehên kuştin.

Bi rastî egera wan hemû bûyer û kirîzên civakî divêgere ser çî?

Emê çawa bikaribin xwe ji wan deb û edetên kevneşop ku îznê nadin civaka me ber bi civakeke nûjen û pêşketî ku tede mafê jin û mêran wek hev tê parastin, rizgar bikin?!

Berî ku bersiva van pirsîyara were dan, hez dikim bala we bo çend serhejmarî û nêrinên Civaknasên Kurd û pisporên vî warî bikujînin.

Civaknasa Kurd xatûna **Sirwe Hemecan**, derheq sinetkirina keçan dibêje: li gor lêkolînekê ku çend saziyên pêwendîdar li 160 gundên ser bi parêzgeha Hewlêr û Silêmaniyê, encam dane, eşkere bûye ku li koma 5920 jinan, 4155 ji wan hatine sinetkirin.

Malbatên Kurd weke edetke civakî û olî, keçên xwe sinet dikin, ew bawer in ku sinetkirin dibe sebebê emegnasiya jinan derheq mîrên xwe, lê Feraz Baban yek ji pisporên warê zayînê, li ser vê baweriyê ye ku: tirsên sinetkirina jinan pitir ji xiyanetkirina wan bi hevîjîne xwe, gefê li jiyana civaka Kurdan dike. Birêz Feraz Baban sinetkirina jinan weke jinavbirina bingehên jiyana dihesibîne û dibêje: sinetkirina jinan dibe sebebê kuştina seha seksî ya wan û wê demê jin weke alavekê bona zarokbûnê tê bikaranîn, eva jî tevî yasayên Ola Îslamê û yasayên berevanî ji mafê jinan dijberî heye.

Firaz Mihemed Selîm, berpirsê Navenda Xwarezmî li bajarê Kerkûkê, dibêje: zû zewicandina keçan bûye sebebê dest kişandina %30 ji wan ji bo dawîanîn bi xwendinê. Herwiha saziya **Omînzîş**, piştî lêkolînekê eşkere kir ku sinetkirina keçan bi

awayekî eşkere li piraniya bajarên Kurdistanê Başûr û bi taybetî li deverên gundakincî tê encamdan.

Yek ji pizîşkên pispor di warê zarokbûnê de ku hez nekir navê wî were eşkerekirin, ragihand: %70 ew jinên ku bi armanca zarokbûnê tînin, hatine sinetkirin. Wî herwiha eşkere kir ku zaf caran malbatên han, beriya kemilîna zarokên xwe, wan sinet dikin û hejmarek ji wan ji tîrsa çûna heya û şerefa malbata xwe, li pêşerojê de?! Zarokên xwe ên keç li temenê 7 heya 9 saliyê de sinet dikin.



Di rastî de îro rojê mijarên weke çend jinî, sinetkirina jinan, xweşewitandina jinan, kuştina jinan bi hêceta parastina namûsê, zewicandina bi zorî ya keçan û ... bûye ciyê nigeraniya gişt saziyên fermî û nefermî ên parêzerê mafê jinan, gişt mirovên azadîxwaz û mirovhez û saziyên din ên sivil ku ji bo pêşvebirina civaka me ber bi demokrasî û medeniyetê cehdê dikin.

Derheq xwekuştina keçan, Birêveberiya Saxlemiya Hewlêrê, li gor serhejmariyekê ragihand ku sala borî 1711 jin li parêzgeha Hewlêrê, cehd kirine ku xwe bikujin û hejmareke zaf ji wan jî, ji çekên sivik mifah wergirtine.

Divêt were gotin ku di civaka Kurdewarî de, jin hem ji ber kurdûna xwe dikevin ber yasayên biferq û hem ji ber jinbûna xwe tînin tepeskerin. Heke em bixwazin xwe ji diyardeyên han bi giştî rizgar bikin, tenê rêçareyek heye, ew jî pêkanîna guhertinan di raman û birkirinên me de ne. Ji ber ku heya dema ku em wiha bifikirin ku jin rihbereke lawaz e û divê di bin desthilata mêran de be û nabe di piroseyên siyasî, aborî, civakî û çandî de beşdar bibin, em nikaribin pêş bikevin.

Dîmeneke Biçûk Ji Civakeke Saxlem



Kavûs Ezizî

► Heyamekê beriya niha ez li ber deriyê banka ew bajarê ku ez li wir dijîm, rûniştibûm û li benda wê bûm heya ku dora min dêt û herim nava bankê.

Min dîmenek pir balkêş dît, lewra jî min hez kir ku weke mînakekê ji bo xwendevanên hêja ên Ağırî binivîsim.

Demjimêr 12'ê nîvro bû, xwendingeh xilas bibûn, xwendekar deste deste ber bi malên xwe dimeşyan, lê dîmena herî balkêş bal min hatina 5 keçan bû ku bi hev re dimeşyan.

Ew keç dema ku nêzikî min bûn, silav kirin û derbaz bûn. 4 ji wan keçan ku temenê wan di navbera 14 heya 15 saliyê de bûn, ez dinasîm, lê nêzikî bankê xwaringeheke Kurdekî Bakûrê Kurdistanê heye. Diyar bû ku van keçan dixwastin xwarinekê bikirin. Lê çimku dîmen ji min re pir delal û balkêş bû, min jî mîzeyî dîmenê dikir. Wan berî mîzeyî listeya xwarinê kirin, piştê di nava xwe de pere kom kirin û dane keçek çermreş a Afrîqayî bû, wê keçê ji bo hemûyan xwarin kirî û piştê ber bi malê meşyan.

Lê ewa balkêş bo min eva bû ku ew kê bûn? Yek ji wan keçeke çermreş xelkê welatê Kongoyê li Afrîqayê bû û diya wê yek ji parêzerên naskirî yê bajar bû. Ew heyamê çar salan cînarê me bûn.

A duyan keçeke Peştû xelkê Celal Abadê bû, Celal Abad bajareke welatê Efxanistanê ye. Dayîk û bavê wê 2 salan tevî min di xwendingeha zimanê Danîmarkî de bûn û me hev du nas dikir.

A sêyem keçeke Kurd xelkê bajarê Serpêla Zehave bû ku li bajarê Romadiyê li Îraqê ji dayîk bibû, me bi hev re hatin û çûna malbatî heye.

A çaran keçeke Ereba Şîî ya Îraqê bû ku dayîk û bavê jî tevî min di xwendingeha zimanê Danîmarkî de bûn.

A pêncan jî keçeke Danîmarkî bû.

Xwendevanên hêja, renga eva tiştêkî biçûk be, lê eva nişana vê yekê ye ku civaka saxlem dikare mirovan bê liberçavgiirtina ziman, ol, nejad, çerm, coxrafiya û ... bi hev re bike heval. Lê em weke Kurd di welatê xwe de biyanî ne. Neyarên netewa me, me li ser axa me bi biyanî dizane. Ez hêvîdar im ku rojek were ku em jî di welatê xwe de bi aştî û azadî bijîn û kes tu kesê/î bi biyanî nezanibe.

MANDELEKIRIN Û TUNEKIRIN

ADAR JIYAN
adarjiyan@mynet.com



Tunehesibandin û mandelekirina gelan, bişavtin û jixwebidûrxistina zarokên wan û zorandina hînbûna zimanê

biyanî ji bo dahatûya mirovahiyê tiştêkî xeter e. Ji aramiya pirsgirêkên heylî jî qet ne çareserî ye. Lewre çareserî azadiya zimanê gelan û perwerdehiyê zanistî û pêşverû ya nûjen ku li ser hîmê yeksaniyê tê danîn e. Bi mandelekirina zimanê gelan re tunehesibandina wan, geşedana hêjahiyên wan ên çandî û civakî jî tene astengkirin.

Îro li gellek deverên dinê, di kesantiya hin gelan de gellek nîrx û hêjahiyên mirovahiyê tene mandelekirin û bînpêkirin. Her çendî ku pirsgirêkên dinê yê siyasî û aborî bandorê li ser rewşa civakê û derûniya wê dike jî, dîsa yek ji van pirsgirêkan, pirsgirêka perwerdehiyê ye. Fizîknasê navdar yê Elman, Albert Einstein dibêje: "Dahatûya welatekî, girêdayî perwerdehiya mirovên wî welatî ye." Rast e. Gava ku mirov dîna xwe dide welatên pêşverû û civakên şareza yê cihanê, hemû bi girîngdayina perwerdehiyê gihîştine asta herî bilind.

Nîrxên mirovahiyê hemû bi saya perwerdehiyê bi dest dikevin. Gava ku mirov perwerdehiya civakên şareza û pêşverû wekî mînak nîşan dide; tê gotin ku: "aboriya wan gellekî baş e." an jî "ew, welatên pêşverû ne." û hwd. Divê bê zanîn ku hemû civakên hemdem û nûjen, bi saya perwerdehiyê pêşve çûne/diçin. Û ew bi saya perwerdehiyê pirsgirêkên xwe yê aborî û siyasî çareser kirine/dikin.

Carekê li gellek welatên dinê bêhn û bêta perwerdehiya zanistî nîn e. Heke pergaleke wan î perwerdehiyê hebe jî gellekî dûrî kirîterên navneteweyî yê zanistî û hemdemî ye. Perwerdehiya nûjen, pêşî mirovên azad, şareza û pêşverû digihîne. Li gorî krîterên perwerdehiyê yê navneteweyî, divê her zarokê bi zimanê xwe yê zîkmakî perwerde bibe. Divê pêşî çand, dîrok û neteweya xwe binase û dide nasandin. Divê, hest û ramana xwe bi zimanê xwe derdibire. Divê xewn û xeyalên xwe bi zimanê xwe vebêje û binivîse. Divê bi dengê xwe, bi rengê xwe, ew wekî kesayetiyeke resen û taybet, bi heval û hemsalên xwe bide nasîn. Divê gellek nîrx û hêjahiyên xwe yê neteweyî bi zarokên cihanê yê din re parve bike. Divê bi stran û folklorê xwe, welatê xwe bide nasandin. Divê çanda gerdûnî binase, bi wê çandê re têkiliyê deyne û çanda xwe pêşve bibe. Divê welatên cihanê û zarokên wan binase. Divê rêz û giramiyê bide tevê mirovahiyê. Divê kî şûna hestên dijminahiyê, nasdarî hestên aşî û biratiyê bibe. Divê ji bo pêkanîna lihevhatin û xweşikiyan dinê

hewl bide û pêwendî û ragihandinên mirovî pêk bîne.

Heke ku zarok bi zimanê xwe yê zîkmakî perwerde nebe û haya wî ji ziman, çand û dîroka wî nebe, dê ji zanava xwe jî bi dûr bikeve. Û dê xwe ji tu neteweyan nehesibîne. Zarok, digel ku bi vî awayî ji nîrxên xwe yê neteweyî bi dûr dikeve, nêzîkî tu neteweyên din jî nabe. Zarokê ku pêmaya (mîrateya) çandî ya ku ji aliyê bav û bapîrê wî/wê de pê mabe, hatibe guhartin û tehrîfkirin, nê pêkan e ku bikaribe li nasnameya xwe xwedî derkeve. An dê ew zarok bê nasname bimîne an jî dê zanaveke bexêr û bêkêr lê bar bibe. Ev jî ji bo zarok, tunekirin û mandelekirin e. Lewre zarokê ku neteweya xwe nas neke, dîroka xwe jî nas nake. Zaroka ku dîroka xwe nas neke, dê û bavê xwe jî nas nake. Yê ku dê û bavê xwe nas neke, xwe jî nas nake.

Hest û ramana her mirovî/ê îro li gorî bîrdoza fermî ya welatê wî/wê teşe û dirûv digire. Li gorî vî raman û mantalîteyê, çî kesên ku li ser xak û erdnîgariya xwe dijîn, ji aliyê bîrdoza fermî û kesên ku ew bîrdoz ji xwe re wekî rêbaz neqandine, "wekî dijmin" tene hesabandin. Çendî ku mirov ne ji wê neteweyê bin jî, li gorî zagon û bîrdozên fermî divê ku xwe wekî endamên wê neteweyê bibîne û bihîshîsîne. Nexwe dê ji aliyê civakê ve wekî kesekî ciyawaz, xayîn an jî dijmin û neyar bête dîtin. Ji bo wê, hemû zarokên civakên bindest, ji neçarî xwe dişibînin zarokên kes û hêzên serdest û dixwazî xwe wekî zarokekên wan nîşan didin. Bi vî awayî, her ku diçe, ew zarok ji zimanê xwe û girêdayî wê ji çand û huner û kevneşopiyên xwe bi dûr dikevein. Her wiha bi hemû kesayetiya xwe, ew zarok digel ziman û çanda xwe hin bi hin di nava çerxa bişavkeriyê de dimehînin û tune dibin.

Îro li hemû deverên cihanê gellek kes û gelên bindest ên ku bi mandelekirin û tunekirinê rû bi rû dimînin, hene. Li Rojhilata navîn ev tişt diwartir e. Mandelekirin sûcekî mezin e ku mirovahiyê serberjêr dike ye. Mafê tu kes û tu hêzê tune ye ku çand, huner û zimanê gelan mandele bike û tune bihesibîne.

Mixabin polîtîkaya cîhana serdest li gellek deverên dinê, digel hemû konetî durûtiya xwe didome. Nemaze jî li Rojhilata Navîn, pir hilum û bandoreke mezin dihêle. Polîtîlaya hêzên serwer û dagirker a belavker, li ser vî erdnîgariyê pêşî bi tunehesibandinê dest pê dike; bi mandelekirinê didome û bi tunekirin û ji holê rakirinê bi encam dibe.

Kaniya Helbestan

Mihemmedo Lawo! (oxir be bira Mihemmed Uzûn....)

Besam Mistefa

Ji vê qerebalix û xirecirê, ji van gotin û derew û zariyan,
Tu xilas bûy!
Ji cadûgeran, xwefiroşan, sêrûyan û sexteçayan!
Ji siyasetmedaran, fêlbazan, têkçûyan, qehpik û dolarvanan,
Tu xilas bûy!
Ji jimêryaran: emê çiqas pereyan sibe bidin hev?
Çend nêçîran nêçîr bikin?
Ji penaberiyê, sar û seqema wê.
Ji rojnama, kovar, xerîbiyan, bajar, welatan.
Ji şîretên şîretkaran.
Lêbelê, te nikaribû Ameda xwe bi xwe re bibe...
Destên te bê hêz bûn û Ameda te a dûrî nêzîk
Ji nav tiliyên te diherikî...
Dicle diherikî.....hawar dikir: ax lo Mihemmedo lawo!
Firat diherikî....
Amed ey Amed,
Îşev tê bê Mihemmedê xwe razel!
Mihemmedo Lawo!
Îşev tê bê Ameda xwe razel!
Mihemmedo!
Ziravol!
Dev li keno!
Teniko!
Ey Mihemmedo!
De raze bira!
Sibê tê zû rabe
Rûpel li benda te ne
Defter û pênûs bang li te dikin
Hêviyên jar û belengazan
Amed bê çavên te kor dibe:
Kê wê hûnik hûnik, hêdî hêdî di pencera
Zivistanê de lê binere?
Kê wê partiyên wê di landikê de bihejîne?
Kê wê bi dizî bigirî, da tu bikene?
Tu dikene,
Aniha,
Tu dikene:
Şofêrên Hewlêrê delodînin
Te dibin Amedê eger tu bixwazî!
Û welatê min û te di nav pêlên evîn û tozê de pêçayî ye.
Çend şehîd li vir ketin
Çend Evdal bi pey Zeyînkên xwe ketin
Çend hêvî berbi jorve ketin
Çend stêrk wekû te ji ezmanê welatê min ketin!
Tu dikene
Aniha,
Tu dikene.
Te mala xwe dît,
Xewek bê veqetîn.
Li ber dergêhên Mêrdînê,
Li ber lingên Toros, tu tevî vî ax û van çiyayan bûy!
Ax!
Me ev ax li xwe mehîr bikirana
Me têr têr ew biramûsana
Em têr ser sing û berên wê bigeriyana
Li çiyayên wê, gir û bajar robar û deşt û kaniyên wê!
Me çavên zarokên wê geş bikirana
Paş evînek û şehîdekî,
Em bimirana!

'KUMBEDÊ GERDÛN ÎM EZ'

Hevpeyvîn/ Arjen Arî

Berî ku wî nas bikim di helbesta ku bavê wî diyarî wî kiriye li navê wî rast hatim: **Keyo!** Keyo, ji pê nê keç û du kuran kurê biçûk yê Seydayê Cegerxwîn e. Di

dîwana xwe ya yekem ya bi navê 'Agir û Pirûsk de Seyda weha xîtabî Keyo dike:

Li dinyayê temaşê ke kurê min
Tu de paşê binaşî, xweş bibênî
Li jorê kumbedê gerdûn e Seyda,
Li jêrê xwe hemî tiştî dibênî
Tu daxwaza dilê min qet nizanî
Heta perdê ji ber xwe hilneyênî
Hemî kes dilbijokê qerş û toz e
Nikarê gewherê paqij derênî
Dibênim talibê dinya hemal e
Dixwazî wê li pey xwe rakîşênî
Xelat çûye mirovê rast û gewher

Di pêşîra kerê reş daleqênî
Mirovên zane û hêja li cem me
Weke gewher di sergo de hilênî
Gelek jar û perîşan û belangaz
Heta dimîrî tenê navek dimênî
Cegerxwîn destê rastî girt û kêşa
Dixwazî ko ji piştî perdê derênî
Keyo ji hêla bejn û bal û durivê xwe
ve hima hima bavê xwe ye. Herî zêde
çavên wî li yê bavî çûne. Di ge
hemerengiya çavan, awirtûjî û çurîsîna
di çavên Seyda de, di yê Keyo de
nabînim.

We zêdetir di meraqê de nehêlim:
Keyo heftê salî ye, biçûkê birayê xwe
Azad e. Azad li Soviyeta Kevn Qanûna
Nêvdevletî xwendiyê, lê ji ber ku teza
xwe ya doktorayê li ser qanûna
Dewleta Sûriyeyê amade kiriye,
doktorayê nadinê, ew jî ji wir derbasî
Swêdê dibe. Keyo ji salên 80yî de bi
malbatî li Swêdê dimîne, niha bi
boneya çapkirina du çirokên bavê
xwe "Cîm û Gulperî" û "Reşoyê Darî" ku
ji aliyê Weşanxaneya Lîs ve hatine
çapkirin, li Amedê ye. Ew di çarçoveya
7'emîn Festîvala Çand û Hunerê de
beşdarî bernameya bi navê "Hewara
Ehmedê Xanî/Kilasîkên Kurdî" bû. Di
bernameyê de qala jîyan û berhemên
bavê xwe kir û bîranîneke xwe vegot:
"Rojekê Seyda jê re helbesteke xwe ya
ku bi erebî daniye jê re dixwîne, piştî
ku bavê wî xoşxwanê diqedîne, Keyo li
bavê wî xoşxwanê diqedîne, "ev çiyê
bavo! Evqas helbestvanên ereb hene,
tu erebî?"

Me jî hatina xweşkur Keyo'yê Cegerxwîn delîve
dît û me xwest em hevpeyvînekê pê re bikin.

**Arjen Arî:Hêja tu bi xêr hatî Amedê,
bajarê xewnan!**

Keyo Hesen: Xêrindar bin, her hebin!

**Ezbenî cara çendê ye ku hûn mêvan in li
Amedê?**

Cara duyê.

**Bi kurtayî be jî me li jor qala we kir, lê
hûn dixwazin tiştêkî din bi ser yê ku me
gotine vekin?**

Belê, sedemêkî din ê li wirbûna min; Filmê
Dokumanter e, ku ji hêla Kawa Akreyî ve tê
amedekirin...Wezareta Rewşenbîrî ya Hikûmeta

Herêma Kurdistanê îsal bi amedekirina Festîvala
Cegerxwîn ve radibe û ev film li ser jiyana bavê
min Cegerxwîn e, dê di Festîvalê de bê nîşadan.

Sala îsal?

Belê belê, îsal.

Kîjan heyvê?

22'yê meha 10'an yanî 23'emîn salvegera
wefatkirina Cegerxwîn! Her weha; Hikûmeta
Herêma Kurdistanê Wezareta Rewşenbîrî biryara
vekirina sentereke bi navê Cegerxwîn wergirtiye.
Ji bilî vekirina navêndê; di çarçoveya Festîvalê de
peykerekî bronz yê Cegerxwîn li Parka
Azadî/Samî Evdirehman dê daçikînin!

**Di çarçoveya salvegera 22'emîn de
Festîval, peykerê Seyda, filmê
dokumanter,vekirina sentereki bi navê
Cegerxwîn ...xuya ye gellek mêvan dê
beşdar bibin?**

Li gor agahiya komîsyonê li dor 250 kesî, belku
zêdetir



**Kek Keyo, kurê Seydayê
Cegerxwîn**

**Baş e ku em werin ser pirseke din ji
malbata we, piştî Seyda kesek bi kar û
barê edebî û huherî rabûye?**

Kêr, neviyêke wî berê xwe daye hunerê.

Kîj nevi?

Hozan, qîza xûşka min a li Dêrika Binxetê.

**Ez hêvîdar im ku ji malbata we gellek kes
bidin ser rêya Seyda.**

Ne bawer im. Rabin jî kesek ji me nikare weku
Cegerxwîn deng vede?

Ez jî bi bawerîya we re me û bipirsim jî

**we:Çend berhemên Seyda yê neçapkirî li
ber destê we ne.**

32

Weewwww..32?

Belê belê 32.

Hemû helbest in?

Na, têkel in. Dîwana wî ya yekem ya wenda
mîrovekî kurd ku li Almanyaya penaber e, got' bavo
ev ne malê min e, yê we ye', û ji me re hinart.
Ez niha li ser vê dîwanê dixebitim; ku destpêka
helbesta Cegerxwîn e...navê dîwanê jî "Rewşen"
daniye!

Mala wî ava be!merivekî dilsoz bûye.

Em jî spasiya wî dikin ku ev berhem derxist
ronahiye.

Baş e, 31 berhemên mayî?

Rêzîman in, Dîrok e, Pend û Şîret in, Çirokên
gelêrî yê ku dane hev, Çiroka stîrana Hesenê
Mûsa ye û yek jî destûr e.

Destûra çî?

Destûra Kurdistan.

**Yanî; mîna Seyda zanibe û bawer kiribe
ku dê rojekê Kurdistanek ava bibe, destûr
amade kiriyê?**

Belê belê, him jî xal bi xal.

Li wir em bi hev re dikenin. Ez jî ew jî

**bîhnêkê bêdeng dimînin.
Bêdengiya me herduyan jî li ser
Destûrê, tîr dibe, ez destê xwe
dirêjî pakête dikim, radîhêjim
çixareyekê, paşê lê vedigerim.**

Hesarê...hûn qet çûn Hesarê?

Tevî vê carê du caran.

Merivên we mane li gund?

Xalanên me û hin pîsmam!

**Ez çûme Kercesê, lê mixabin
min Hesar nedîtiye, ne Cehinnem
û ne jî Çêlekê! Lê li gorî helbestên
Seyda, Hesarê gundekî bi av û
kanî, bi darûber, şên û bi şînahî
ye. We ye?**

Na, niha ne li gor ku ji me re bahs
dikir e. Dema ku ez çûm gund,
dîmenên ku bi gotîna bavê min re di
ser û xiyala min de mabûn, û gundê
ku min lê dimezand, ne eynî tişt bûn.

Weke çî?

Weke ne çî? Di gel yek du avahiyên
betonî, gund kavi e. Dar û ber hima
hima hatine qirê. Çi devî, çi yê
fêkî...bi taybet yê fêkî kêmtir
dixuyan, û av jî ne weke ku di hişê
min de mabû; boş bû. Bavê min digot
nizanim çend aş li ber digeriyên? Bi
dîmenên ku îro min dîtin ez pîr
êşiyam.

Nexasim xaniyê kalê min...yê ku bavê
min tê de ji dêya xwe bûye; niha kavi
e. Na na, ne kavi e; şûna wî jî naxuyê!
Hin merivên me rabûne ji nû ve ji xwe
re xanî li şûnê ava kirine.

**Yanî wisa dixuyê ku Hesarî hêj ji
hêjayiya Seydayê Hesarî**

Cegerxwîn bê hay in?

Bê hay û hew? Ji merivan hinekan digot qey
em hatine doza milkê xwe li wan bikin, welê rêş
reş û bi şik li me dinêrin.

Li ber mekevin..ji bîr mekin ku kurê Osman
Sebrî bi destê merivên wî yê li gund, hatibû
kuştin. Jixwe ji wê bûyerê bi şûn de Mam Osman
Bakûr jî, herêm jî li xwe herimand!

**Piştî vê diyalogê em herdu jî heman
keserê vedidin, lê wer dixuye ku Keyo ji
min bêtir tengav e, bi dengêkî mişt gîlî:**

**Yanî jî hêlekê de rûmeta welatekî be, li
hêla din bila gundiye te xaniyê te
hilweşînin, nikaribin kevlê xaniyekî**

Li Hewlêrê, Semînarek Li Ser Navê “Parastina Ezmûna Herêma Kurdistanê û Pirsgirêka Ewlehiya Netewî” Hate Lidarxistin

Li gor agahiyên Navenda

Nûçeyan a PDK Îranê, roja yekşem, 28.10.2007'an, li bajarê Hewlêrê, ji aliyê Kombenda Kawe bo Çanda Kurdî, semînarek berfireh li ser navê



“Parastina Ezmûna Herêma Kurdistanê û Pirsgirêka Ewlehiya Netewî” bi beşdariya çendîn partî û sazîyên Kurdistanê, Bakûr, Başûr, Rojhilat û her wiha hejmarek ji kesayetiyan siyasî, rewşenbîr û navendên ragehandinê hate lidarxistin ku heya roja çarşem, 31.10.2007'an, dê dom bike.

Mijarên civînê eva bûn:

- Pêwendîya di navbera parastina ezmûna demokratîk û ewlehiya eynî a Kurdistanê.
- Girişgiya serkevtina ezmûna federalîzmê li Kurdistanê û bandora wê li ser bihêzkirina piroseya siyasî li Îraq û pêşeroja guherînên demokratîk li herêmê.
- Faktorek hundiirîn di tapokirina ezmûna Kurdistanê de.
- Bandora çareserbûna pirsê Kurd li çarçoveya Federalîzmê di Îraqê de, li ser çareserîya pirsê netewên din li herêmê.
- Dîtina rêçareyan ji bo betalkirina hêcetên welatên Îran û Turkiyê, derheq topbarankirina ser sînorên Herêma Kurdistanê bi hêceta hebûna PJAK û PKK'ê.
- Kurd xwediyê tu stratejiyekê ye? Gelo pêwendiyên netewî divê çawa bin daku bûyerên li ser sînorê duçar nebin?
- Gelo rêçareyeke yasayî di qanûna bingehîn a Îraqa Federal û Herêma Kurdistanê de heye ku tê de rê ji bo danûstandina tevî tevgera siyasî li parçeyên din ên Kurdistanê re vekirî bihêle û piştevanîyê ji demokrasîyê bike?

Hêjayî gotinê ye ku şandeke PDK Îranê jî ku pêkhatibûn ji birêz **Têmur Mistefayî**, endamê Deftera Siyasî, **Rostem Cehangîrî**, endamê Komîteya Navndî û berpirsê pêwendiyên PDK Îranê li bajarê Hewlêrê û **Şaho Fazzend**, endamê Rawêjkar ê Komîteya Navndî, besdarî wê civînê bûn.

Jinek Bû Serok Komara Arjantînê

Di encama hilbijartinên roja yekşem, 28.10.2007'an,

Kirîstnîba Fernandêz Kîreşner serket û bû Serok Komara Arjantînê. Fernandêz 54 salî û ji partiya Çep a Navîn e. Wê karî 42 jî sedê a dangan bi



dest bixe. Herwiha Kirîstîna Parêzer û Senator û herwiha hevsera Serok Komarê niha ê Arjantînê ye.

Eva cara yekemîn e ku jinek bi awayekî demokratîk li Arjantînê desthilatê bidest dixê. Berê jî di sala 1974'an **Opta Pron**, hevsera Serok Komarê wê demê, piştî mirina mêrê xwe, 2 sala Serok Komar bûye.

Amerîkayê Dorpêç Xistin Ser Spasha Pasdaran Wezaretê Parastinê û Çend Bankên Dewletî Ên Komara Îslamî A Îranê

Di gaweke nû de, Amerîkayê dorpêç xistin ser Spasha Pasdaran, Wezaretê Parastinê û çend bankên dewletî ên

Komara Îslamî ya Îranê. Kondalîza Rays, Wezîra Karê Derve ya Amerîkayê ev yek roja pêncşem, 25.10.2007'an di konferanseke çapemeniyê de tevî Hênri Palson, Wezîrê



Xizînedariya Amerîkayê îlan kir.

Wê got: “Dorpêçên han bi sedema piştevanîya rejîma Îranê ji rêxistinên terorîstî li Îraq û Rojhilata Navîn, şandina mûşekan û hewildan ji bo bidestveanîna çekên Etomî, ji aliyê wê rejîmê ve, dimeşin”.

Amerîkayê jê ve ye ku Sîpaha Pasdaran di bernameyên navikî ên Îranê de, rasterast beşdariyê dike û taya wê a derveyî welat, çekan ji bo girûpên çekdar di Îraq û Efxanistanê de ji bo şer li dijî hêzên Amerîkayê, berhev dike.

Hêjayî gotinê ye ku zêdetir ji 20 navendên rejîmê ku pêkhatî ne ji, kesayeti, sazî, bank û her wiha şirketên girêdayî bi Sîpaha Pasdaran, dikevin bin dorpêçên Amerîkayê.

Eva cara yekemîn e ku welatek hêzeke fermî ya welateke din dixê bin dorpêçan û weke terorîst dinase.

Jina Şaxdar

- Hiyalîng, jineke biemr a (95 salî) a welatê Çînê ye. di navçavên wê de tiştêk bi şêkî û rengê şax çê bûye. Wê li sala 2003'an, bo rêgirtinê ji geşkerîna wî şaxî, operasyonê jêre hatiye encamdan, lê heya niha ev şaxe li geşê û mezinbûnê de ye û dirêjahîya wê gihîştîye 12 CM û berdewam li geşkerîna de ye.



Niha kes û karên wê jina biemr,

mijûlê komkirina pare(dirav) ne, bona wê ku neştergeriyê yan operasyonêk mezin jêre bikin û wê ji dest şaxê cihê herîmanê rizgar bikin.

Qeysî û Taybetmendiyên Wê

- Li gorî lêkolînên lîkolînvana, dewlemendiya Qeysiyê bi egera hebûna vîtamînen (A, B, C) ye û mifahek zaf dide mirov. Ji ber wê ku Qeysî mîweyek çalاک e û di dema xwerinê de zû li mîde de dihele. Her wiha ji bo kêm xweriyê jî bisûd e û demaran bihêz dike û hez û xwesta xwerinê jî zêde dike. Qeysî jî bo zikçûnê jî gellek baş e û demaran aram dike.



Her wiha pêşgîrî ji areqekirina zaf dike, asta geşkerîna di zarokan de zêde dike,, ji bo bendbûnê(qebzî) gellek baş e.

Dr. Lokrîk dibêje: Xwerina Qeysiyê dermanê kêm xweriyê ye û her 100 giram jî Qeysiyê 45 jî sedê ya hewcehiya leş jî hêzê di rojekê de misoger dike.

Her wiha %8 jî vîtamîna C, %6 vîtamîna B û %3 vîtamîna B1 tede ye.

Ji ber wê ku Qeysî bi şekerê dewlemend e, tevî wê ku karîneke zaf bo pêşgirtinê ji nesaxîyan heye, hevdem çav jî bihêz dike.

Xwerina Qeysiyê bo ew kesên ku werziş(sporê) dikin gellek girîng e bo jinên pêgiran jî mifahek bêhesab heye.